



REGIÆ NAVARRÆ,

Cum V. C. M. JOANNES-ANTONIUS NOLET,
 Licentius Theologus, è Regiâ Scientiarum Academiâ,
PHYSICES EXPERIMENTALIS Professor à
 R E G E institutus, Lectiones suas Oratione solemnî
 auspicaretur die Martis decimâ-quintâ mensis Maii,
 anno Domini 1753, in Aulâ Majore Collegii,

GRATULATORIUM C A R M E N.



AM cur insolito resonant hæc atria plausu;
 Gratantumque undam portis bipatentibus ædes
 Accipiunt reduntque? An restaurata novenæ
 Templâ sibi subeunt, Phœbo comitante, Sorores?

Non ita; Divino mortalis Apolline major
 Expectatus adest, Sophiæque Antistes & idem
 Naturæ Genius, dilectus Regibus hospes,
 Principe discipulo clarus, qui funere nuper

E medio incolumis, regni spes altera vivit.

Hic vir, hic est, tibi quem proprium dixisse licebit,
Fortunata domus; jam se tibi tradere totum,
Te colere, & laudis conjungere fœdus amabit.

Scilicet hunc inhians Europe suspicit, omnem
Naturam excutere, & causas aperire latentes
Egregium, aque adeò tantum decus invida jurè
Pars sibi quæque trahat; patriæ sed vincere dignus
Sistit amor, multâ nequicquam à gente petum:
Dumque replet totum scriptis illustribus orbem,
Ipse suos præfens naturæ ab limine cives
Vixdum introgressos adyta ad penetralia ducit.

Quid non ingenti debemus Gallia tota
Cartesio? Ille novam tentare viam ausus, & ævi
Barbarie longâ stabiles abolere chimæras
Primus, & humanæ delere opprobria mentis,
Sed quali ancipites moderatur lampade gressus?
Non reliquos inter cessat speculator inanis.
Obscuris-ve incerta tegit; sed cuncta sagaci
Ipse manu explorat, rimatur & abdita cautus,

Qui dignus tantæ posset succedere laudi
Ætas nostra parit; vestigia prævious ille
Quà tulit, hic sequitur; docto experimenta labore
Ingeminans, tandem invitam se prodere cogit
Naturam, & notâ grassatur sedulus arte.

Hic quid ego referam, eximiis quæ plurima libris
Evolvit, cæcis abstrusa arcana latebris,
Atque indeprentas multâ caligine rerum
Ambages, studiis quæ nostra faventibus ætas
Miratur, seris miranda nepotibus olim?

Illud præcipue, frictu medicata potenti;
Cur sese gemino stillans de corpore promat
Flammula, seque trahat pellatque refusa vicissim;
Applicitaque virum serpens per membra coronæ
Ductilis insinuet dolor, obtineatque tenorem,
Explicuit, facilique retexit acumine solers;
Cur-ve procelloso collecta sub æthere nubes;
Fœta igni, tonitruque gravis [non antè repertum
Tempore quod nostro certa experientia monstrat]
Cognatum eliciat ferri mucronæ vaporem.
Et jam quod vero affinxit malè credulus error;
Amover, & justo prudens examine damnat.
At tu, plebs, solitos deponere parce timores;
Demens, quæ nimbos & ineluctabile speras
Possè vel objectâ vitari cuspide fulmen !

Hûc igitur, si quos discendi gloria tangit,
Seu dulci indigenas gremio vos Gallica tellus
Protulit, externos seu mollibus hospita captos
Urbs tenet illecebris, ad publica currite læti
Doctrinæ emporia, & patulos ne spernite fontes:

Hoc nobis, LODOIX, tantum decus asseris author;
Et majus sperare jubes. Qui cernis amico
Lumine Musarum sedes, monimentaue Regum,
Muneraque indulges toti communia Regno;
Illum restituis, vero quem nomine Magnum
Et sua dixerunt, & postera secla loquentur,
Quem-que animo & virtute refers, & amore tuorum;

Hunc ergo studiis complexi & pectore toto,
Quem das ipse, virum, tantæ solemnia lucis,
Acceptumque tibi memores referemus honorem.

Interea dignis, quæ fas est, æmula votis,
Certatim tibi fausta canet NAVARRICA pubes;
Donec, ubi firmata viros perfecit ætas,
Te grandi celebrare lyrâ, Phœbo auspice, possint.

LUDOVICUS-FRANCISCUS REVERŒ
Clericus Constantiensis, è REGIA NAVARRA.

*Typis mandetur, die Veneris
undecimâ Maii, anno 1753.
FOURNEAU, Rector.*

Ex Typographiâ THIBOUST, REGIS, nec-non Academiæ Parisiensis
Typographi, in Plateâ Cameracensi.